

Serdang: Bahasa Melayu tidak akan terancam dengan kemaraan era Revolusi Industri Keempat (RI4) selagi penuturnya terus mendaulatkan dan berusaha meles-tari serta memperkayakannya.

Ketua Pengajian Asia Tenggara, Universiti Goethe, Frankfurt, Prof Dr Arndt Graf, berkata beliau optimis bahasa Melayu akan kekal relevan dan menjadi lebih penting dalam era RI4.

Dr Graf berkata, sejak pertengahan tahun 2010, istilah RI4 semakin tersebar di negara ini hingga menimbulkan kebimbangan terhadap kedudukan bahasa Melayu sebagai bahasa ilmu.

"Kebimbangan ini bukan hanya terjadi di negara ini, sebaliknya ia juga juga diperkatakan di Indonesia dan Thailand hingga timbul-

Bahasa Melayu tak akan diancam revolusi industri

kan pertanyaan adakah semestinya bahasa wacana mengenai RI4 dikendalikan dalam bahasa Inggeris:

"Bagaimana pula dengan kedudukan bahasa bukan Inggeris, adakah ia akan terus wujud," katanya ketika menyampaikan Ucaptama Seminar Mendaulatkan Bahasa Melayu: Bahasa Melayu Meniti Era Revolusi Industri Keempat di Universiti Putra Malaysia (UPM) di sini, semalam.

Turut hadir, Naib Canselor UPM, Prof Datin Paduka Dr Aini Ideris dan Pengarah Institut Islam Hadhari, Universiti Kebangsaan Malaysia (UKM), Prof Datuk Dr Mohd



DR Arndt Graf

Yusof Othman.

Dr Graf berkata, apa yang dihebahkan di media mengenai penggunaan bahasa

Inggeris sebagai bahasa wacana RI4 hanya dibuat untuk tujuan pemasaran antara-bangsa.

"Apa yang sebenarnya berlaku adalah wacana RI4 di Eropah dibangunkan sepenuhnya dalam bahasa bukan Inggeris iaitu bahasa Jerman, Sepanyol dan Itali.

"Penutur bahasa Melayu di Asia Tenggara khususnya Malaysia, Indonesia dan Brunei Darussalam perlu memastikan kedudukan bahasa itu menjadi lebih penting sejajar dengan usaha untuk menjadikannya relevan sebagai bahasa wacana RI4," katanya.

Beliau berkata, hal itu bo-

leh dicapai dengan memperkayakan istilah sains dan teknologi, menambah khazanah ilmu berbahasa Melayu melalui penerbitan majalah jurnal serta buku yang sesuai dengan era industri, selain mengajar semua mata pelajaran di maktab, kolej dan universiti dalam bahasa Melayu.

"Pendeknya bahasa Melayu wajib dijadikan bahasa wacana untuk RI4 di negara ini," katanya.

Untuk rekod, RI4 atau revolusi perindustrian keempat secara umumnya mem-babitkan Internet of Things (IoT) dalam setiap aspek kehidupan harian.

Ia dinamakan RI4 berdasarkan revolusi pertama yang mem-babitkan penggunaan mesin berkuasa wap, revolusi elektrik dan teknologi maklumat.